

¡BOMBA!

Trae virtual presidenta
impulsos de hormiga arriera,
obra ferrocarrilera
el mandato documenta



K'uintsil

Martes 9 de julio de 2024

CAMPECHE · YUCATÁN · QUINTANA ROO · AÑO 10 · NÚMERO 2272 · www.lajornadamaya.mx

Máax kaláantik u yutsil meyaj Canal de Panamá, Ricourte Vásquez, tu ya'alaj le lunes máanika', táan u tukulta'al u beeta'al, ichil wakp'éel ja'abo'obe', uláak' jump'éel kúuchil ti'al u yakúunsa'al ja'. Lelo' yaan u tojoltik kex mil 600 miyoonesil dolarées, ba'ale' yaan u ts'áak u páajitalil u yantal uláak' ja' ti'al ma' u xóot'ol.

Ti'al u beeta'al meyaje' yaan u beeta'al u liisitasyonil. Yaan u yantal u beeta'al jump'éel repreesáa tu beelil ja' río Indio, ti'al ma' u yantal u xóot'ol u beel buukeso'ob keen p'áatak mind'an ja'i, je'el bix úuch tu ja'abil 2023.

U jela'anil yéetel Canal de Suez, u beelil ja' yaan Panamáe' ma' táan u k'a'abéetkunsik u ja'il k'áak'náab, chéen u ja' ku báanal ti' cháak.

"Táan ktukultike' wakp'éel ja'abo'ob", tu ya'alaj Vásquez ka'aj k'áata'ab ti' beyka'aj kun xáantal u beeta'al.

Vásqueze' tu tsolaj ku tukulta'al yaan u tojoltik "maanal mil 200 miyoonesil dolarées chéen ti'al u liik'sa'al" yéetel uláak' kex "400 miyoonesil doolarées" ti'al u ts'aatáanta'al kaajo'ob kun yantal u jeel ts'a'abal tu'ux u yantalo'ob".

Jayp'éel k'iino'ob paachile', Corte Supremae' tu jets'aje' je'el bin u béeytal u k'a'abéetkunsa'al u ja'il río Indio tumen Canal de Panamá.

Tu ja'abil 2023e', káaj u tukuilta'al u sajbe'entsil u beelil la ja'o', tumen yáax k'iin yanchaj yóok'lal El Niño'e' tu beetaj u p'iitkunsik Canal de Panamá le beyka'aj b'a'al ku máan te'e beelilo'; ti' 38 u p'éel buukes ku máan sáansamali', jp'áat chéen 22i'. U ya'abil noj lu'umo'ob ku k'a'abéetkunsiko'ob beele' Estados Unidos, China yéetel Japón.

Canal de Panamáe' táan u tukultik u beetik jump'éel u kúuchil u yakúunsa'al ja' ti'al ma' u p'áatal mina'an

Efe
Oochel Ap